

پازار ایرتسی

فی ۱۷ ذی الحجه سنه ۱۳۲۸

وفی ۶ کانون اول سنه ۱۳۲۶

جمعیت علمیة اسلامیه نك ناشر افکاریدر

صاحب امتیاز :

فاتح مجیز درسعاملرندن
استانبول مبعوثی
مصطفی ماصم

سر محرر :


فاتح مجیز درسعاملرندن
نوقاد مبعوثی
مصطفی صبری

مدیر مسئول :

مکتب قضاء معلملرندن
کایسلی منیر

مندرجات

مدرسه لریمز م . صفوت	ربا پرده سی التنده خالد
بیان الحق غزته سی مدیریننه شکری	قربان مسئله سنه دائر مصطفی
اون بش، اون آلتی سنه اول {	ادبیات
یا زلمش اثرلرمدن	شیخ سعدینک بر سرگذشتی طاهرالمولوی
بر ملت نصل مضمحل اولور منتسبین علمیہ دن بری	حبسخانه ده تغزل ع . خیری
	غزل طاهرالمولوی



نسخه سی ۱ غروشددر

آبونه اجرتی (پوسته اجرتیله برابردر)

مالک اجنبیه ایچون :
۱۳ . ۰۰ فراتق
» ۶ . ۵۰

استانبول وولایات ایچون :
بر سنه لکی ۵۰ غروش
اتی آیانی ۲۵ »

درج اولنیمان اوراق اعاده ایدلمز

قارئلرمنزه

اکثرمقالاته آیات کریمه واحادیث نبویه درج ایدلمش بولندیفی نظراعتبارہ آله رق رعایتسز لکده بولنمامسی رجا اولنور .

درسعادت

محمود بك مطبعه سنده طبع اولنمشدر

بیلیمکسزین پارماقارینی قیمیداتهرق بر چشوق حروف و کلمات تصویر ایدرمعتزله، بو ذلیله شو وجهله اعتراض ایدمیبایر:

ایجادک علمسز تصور اولمندیفی مسلم دکل .
زیرا علم الهمی پی اثبات ایدنلر ایجاد الاله اتمیورلر،
عوالمک اتقان واحکام اولنمسیله ایدیورلر .

اوت اختیار الاله ایجاد، برشی قصده مقارن بولندیفی
ایچون، اولسه اولسه اوشی علمدن صکره اوله بیایر .
فقط بویاجاد خصوصنده علم اجمالی کافیدر . تفصیلی به
حاجت یوقدر .

(اوچنجیسی)

عبد مستقلاً کندی قدرت و اختیاری الیه فعلی
موجد اولسه او زمان او فعلی ایشلمامکه ایشلمامکه
مقتدر اولور . زیرا ایشلمامکه مقتدر اولسنه جبر لازم
کلیرده اختیار باطل اولور، لازم ایسه [یعنی عبدک او
فعلی ایشلمکه ایشلمامکه مقتدر اولسی] باطلدر .
چونکه عبدک، بر فعلی ایشلمسنک ایشلمامسی اوزرینه
ترجیحی مرجحه متوققدر؛ اکر متوقف بولنمسه اوزمان
عبددن او فعلک صدوری، وجود و عدم طرفلرینک
جواز و تساویسیله برابر راست کله اولور، اختیاری
اولماز .

بوشویله طورسون، حتی بوجائز اولان ایکی طرفدن
بریسنک وقوعی سببه محتاج بولنمازده اثبات صانع قیوسی
قاپانیورر .

حالبوکه بو مرجح عبددن نشئت ایدم، یوقسه
تسلسل بلاسی باش کوسنتر؛ او مرجحک عبددن
صدورینه نقل کلام ایدوب اکاده بر مرجح آرایه بیلیرز .
بناءً علیه عبددن نشئت ایتیمان مرجح بولنور بولنماز
عبددن تخلفی تمتع اوله جق بر درجهده فعلک صدوری
واجبدر . اکر واجب اولسه مرجح مفروض مرجح
کامل اوله ماز .

چونکه بویله بر مرجحک وجودیله فعل واجب
اولننجه مرجح مفروضک بولنمسیله برابر او فعلک بعض
کره وجودی، بعض دفعه عدمی جائز اولور بوضورنده
وجود فعلی بو ایکی وقتدن بریسنه تخصیص بر مرجحه
محتاج بولندیغندن مرجح کامل فرض ایتدیکمز شئک
مرجح کامل اولماسی لازم کلیر، که خلاف مفروضدر .
ایمدی فعل عبد اضطراری اولورده معتزله نک دبدکلری
کبی بطریق الاستقلال اختیاری اوله ماز .

بو جهتله بر معتزله جه باطل بولان جبر محض کندیفی
کوسنتردیگندن افعال اختیاریه عبده قدرت قدیمه الهمیه
ایله واقعدر؛ قدرت حادثه عبد الیه دکل، نتیجه کلاممز
کرسى ثبوته حیقار .

بو دلیل؛ جبر بولنمکسزین عبدک استقلالیله فعلک
قدرت و اختیار عبده استنادینی ادعا ایدن معتزله پی مسکتدر .
عبدک، افعالی عدم ایجادینی مقید دکلدر .

چونکه عبد اضطراراً موجد افعال اوله بیایر .
نصوح افندی زاده :

ع . ضیری



بر ملت نصل مضمحل اولور ؟

موضوع بحث ومقاله اتخاذ ایتدیکمز شو قیسه بر
سؤالک بعض کونا جوابلرینی کوردک . ویریلان جوابلرک
طوغری (!) اولق احتمالیده قولایلینی نسبتده مشکل
اولان جوابنک اکلاشله سننده یاخود حقیقتک ظهورنده
مداری اولور امیدیه نظر تأمله آلمقدن واز کچه مدک .
بر ملت نصل مضمحل اولور ؟ سؤالی ایراد
اولننجه بالطبع خاطرده ایکی جواب کلیر . یا ملتک آتہ جنی
خطوة ترقینک اوکنه دیکله جک بر هیکل استبداد ،
یاخود او ترقی فکرنده بولسان ملتک مرقاة ترقینی
بوله جق، کورده جک سویه فکر وعرفانده بولنه مامسی !! .

اولجہ بوسؤالی ایراد ایدنلر کندیلرینه ویردکلری جوابده یالکیز بونک شق اوانی قبول ایدهرک برملتک یکانه اضمحلانک سببی مواجهه فیکر تعالی نک اوکنه دیکیله جک بر هیکل استبدادر . بشقه یوقدر دیمک ایستیورلر . بزه قالیرسه آتیلان آدیلمده کوریان موفقیتسزلکک دها طوغریسی ایلری کیتمک ایسترکن کیری قاله نک یالکیز سببی بودکلدر .

اوت !!.. برملتک قولنی باغلایان هیا کل استبداد قوجه برملتی آمال مقدسه سندن افکار عالیه سندن هیچ برزمان دوندیرمه جکی کبی او افکار واعمالک حیز فعله وضعی ایچون واقع اولان تشبثاتک ده اوکنه کله بیلیمک ایچون البته بیوک برقوت شدتلی برمکننت استرکه : اوماتی آمال معززه سنک استحساندن — برمدت قلیله اولسون — منعه مقتدر اولسون !!!..

ملتلر ، کندی ایچریلرندن یتشدیردیک افکار عالیه اصحابیلهدرکه اومکننت استبدادک قولنی قنادینی قیرارق دائماً ترقییه ، تعالییه ایلرو کیتمکه مستعد اولورلر .

ملتلر ، کندی ایچریلرنده بیوتدیک ، بسلدیک آمال شخصیه ، اغراض خسیسه اربابیلهدرکه او هیکل استبداده دال بوداق ویردزک کندیسنی محکوم محو و اضمحلال ایدرلر .

استبداد هیچ بر زمان افکار عالیه قارشوسنده ثبات ایدمه مدیک کبی بر زمان ده افکار عالیه احساندن قوت آلهماز . او حالده استبداده هیکل ویرن شیی ، منافع شخصیه ، اکا قوت ویرنده یارداتجیلقدرد . منافع شخصیه غائلهسی انسانلر ایچون بر بلا اولدینی کبی یارداتجیلقدرد او فیکری طاشیانلرده مزمن برمرض دیمکدر . استبداده هیکل ویرنلر فراح فراح ایلرینی بویابه بیلیمک ایچون البتد آرقه لرند احتیاط اولورق بر یارداتجی اردوسی بولندیرمنه و آنلری ده جزئی کلی حصه مند ایتکه چالایشیرلر . بو مزمن مرضک مبتلارلی ایسه سعادت حیاتک انجق افدیلرینک قولتوغنی آلتنده

بولنق اعتقادینی براقه مزلر . اشته بوصورتله کوستریلن و کوریلان منفعتلر ایله استبداد سمن پیدا ایدر . اووقت اوملت ده ایلرو کیتمکنن بالطبع منع ایدیلر .

سرلوحه مزده کی سؤالی ایراد بیوران ذات ، سلانیک جمعیت علمیه شعبه سنک « ثروتک قسم اعظمی سفاهته صرف ایدن مات ، قربانلرینک جملرینک بدلنی دونما اغانه سنه ویرمکه فرضی واجبی اسقاط ایتش اولمزله طرزنده کی بیاننامه سنه قارشو ضبط نفس ایدمه یهرک آنلری ملت اسلامیه نک آتمق ایستدیک خطوات ترقی نک اوکنه دیکلمک و تعالییه بر انکل اولقله اتهام ایدیور ، دها طوغریسی مستبدانه حرکتلرله اتهام ایتک ایستیور .

حالبوکه حرکات مستبدانه ، عرض اولندینی وجهله ارقه سنده کی براخیاط اردوسی قوتیه اجرا اوله بیله جکی کبی غندی وشخصی اولیان بیانات ، حرکات ایسه هیچ بر زمان استبداد اوله مز . مع هذا بیاناتک حق اولدینی زمینده واقع اولان بوقدر ادعایه قارشو خلافی اثبات ایچون نه وعد ایتدکاری فتوایه ونهده بر (نقل فقهی) یه دسترس اوله مدقارینی هم اغیارهمده کندیلری کوریور . بوبابده کی مدعالرینی اثبات ایچون مفتی (!) فخرالدین افندیکنک اجتهادات مذهبییه سنی انجق بر دلیل اوله رق کوستریورلرکه : بر رسام نظرند هیچ دگری اولیان ، کلایشی کوزل یاپیلان بر رسمک رسمدن اکلایانلری الداندینی کبی عوامقربانه یازلمش پارلاق بر مطالعه دن بشقه هیچ بر شیی اولمدینی اوقویانلر اکلایانلردر . بز بورادن بحث ایتیه جکیز . یالکیز بو عدم جوازی بیان ایدن علمانک حرکاتی استبدادی ؟ دکلی ؟ اورادن بحث ایدیه جکیز . اوت !!.. بر شیی حقتده بو اوله مز ، یابیلهمز دیمک یاسوزک حقیته ، یاخود ارقه ده کی بر قوته استناد ایتمکه اوله بیلیر . اکر سویلن سوز حق اولیه رق بر قوته استناد سسویلنمش ایسه اوزمان استبداد اوله بیایر ؛ سسویلنارده ترقییه انکل اولمش اولور .


فقط بوکون کره ارضک برطرفنده کی برخواجهنک
 بر (یحوز) سی یالکیز اغزند چقاجق کندی
 محیطده قاله جق بر شیدی اولیوب کره ارض اوزرنده
 بولنان درتیوز ملیون اهل اسلامک النده کی کتب
 فقهیه ایله قونترول ایدیله جک خلاقی ظهور ایتدیکی
 حالده بتون عالم اسلامی کندی علیه چویره جک
 درجهده سوء تأثیر ویره جک برشیدر . بر مسئله نک
 حقیقه اختلاف فقها واقع اولورده ایچند برینک
 قولیه عمل ایتک ایچون بر فتوا استحصال اوانه بیلیر .
 ویاخود آنک قولیه عمل ایدلش دینله بیلیر . فقط بویله
 هیچ بر مذهبه قبول ایتیه جکی برشینی برطاقم مغالطی
 ادله ایله ، فتوا وعدیه خلقک اغفال اولمامسی ایچون
 (بوجائر دکادر) دیمک هیچ بر زمان ملته پابند ترقی
 اوله مز .

و هیچ بر زمان بویله بر تشبث استبداد اوله مز .
 چونکه علمانک استناد ایتدیکی قوت حق دن بشقه
 برشیدی اولمدینی کی مرجعی مأخذی ده کتب فقهیه در .
 یوقه علمانک النده ، ارقه سنه دوشیله جک امال
 خسیسه یی تحریک ایده جک رتبه ، منصب ثروت کی
 بر شیر یوقه علماده بو واسطه لر ایله ارقه سنه الدینی
 احتیاط قوتیه استبداد ایده بیاسون . خصوصیه کتب
 فقهیه هر کسک کوزینک اوکنده اولدینی ایچون
 بر مسئله نک استخراجنه هر کس ا کلامق ، حقیقه کلایه
 بیلمک شرطیه - مأذوندر . مع هذا ملته بویله امال
 خسیسه ارقه سنه یارداقچیلق ایتسی زمانی کچمش
 اولمیدر .

شمذیلک بر مسئله قالیرکه : اوده علمای اسلامیه نک
 دیانت نامنه سوزنی دیکلایلر بونور ایش یاخودده
 بولنر ایش « وماعلینا الا البلاغ » یاخود ماهیتلری
 تشریح اوانه جقمشده بوندن بویله کسه سوزلرینی
 دیکله میه جکمش . بوجهتدن ده انلر بر ضرر کورمز .
 اشته بر ملته امال ترقیسنه مانع اسبابک برنجیسی

اولان استبداد بو صورتله اولور ملته ترقیسنه مانع
 اولان اسبابدن ایکنجیسی ده اولته مرقاة ترقی یی ،
 ایلک باصا مانغی بوله مامسی درکه : اشته اضمحلالک
 اسباب حقیقیسندن بریسی ده بودر .

بر ملتهک ایشی تدویر ایدلر ، ملتهک اوکنه دوشلر
 یالکیز ایلری به أنه جقلری ادیمی دوشونماملی در : انجق
 ائدینی ادیمک موفقیته نتیجه له جکفی نظر ملاحظه
 ایلیدر . حالبوکه بز اوپله بر حالده یزکه : اسباب ترقی یی
 بر بریمزی برطاقم شیرله اتهام ایتیکده مقدسات دینه مزه
 طوقونمده کورده رک ارمزه کیرن اتش فساد
 سوندریمک دکل دها زیاده علولیدریمکه چالشیورز .
 دها صکره موفق اولمدیغمزی کورنجه « اوبنایامان قزک
 یرم طار » دیدیکی کی بلا لزوم اوته کنی یریکنی مانعه
 کوسترک تبرئه ذمت ایده بیلمک ایچون کنیدلرینی طاریه
 چیقارلر . اشته بر ملت نصل مضمحل اولور سؤالنده
 بر جواب ؛ مقنع بر جواب انجق بو ایکنجی جهت
 اولورکه : مع التأسف بزده بوجهتی هیچ ده نظر تأمله
 الان یوقدر .
 منتسین علمیه دن بری



ریا پرده سی آلتنده « حکمت » فروشلغه

یلمته نسلره !

ای مناظرلرم !

گاه صاری ، گاه بیاض ، گاه سیاه پوتینلره
 « حکمت » (!) صحنه لرنده عرض اندام ایده رک -
 عجزه نک مخصوصاتندن اولدینی اوزره - قوی دکل ده
 قائلی متهمکانه ، تهدیدکارانه اطوار غریبه ایله موضوع
 بحث و مشاجره ایتمکدن بیلم نه قازانه جقسکز .

بزم بیلدیگمز قانون مناظره یی بیان مناظرلر ، ارلر
 میدان انتقاد کنیدلرینه مخصوص اولان طور وقیافله
 آچیق آیلله مردانه بر حالده چیقارلر .